



25. mars 2014

Sumarnámskeið Tabú um mannréttindi, fordóma og staðalímyndir fyrir börn á aldrinum 6-12 ára í Hafnarfirði 2014

Hvað er Tabú?

Tilgangur *Tabú* er að skapa vettvang með margvíslegum leiðum til þess að hefja umræðu með þeim sem þora um allt það sem almennt má ekki tala um í tengslum við fatlað fólk. Verkefnastýrur Tabú, þær Freyja og Embla, bjóða upp á fyrilestra, námskeið og hvers kyns fræðslu sem óskað er eftir frá hverjum sem er og snýr að mannréttindum fatlaðs folks og annarra hópa, margþættri mismunun, staðalímyndum og ýmsu öðru sem tengist lífi jaðarsettra hópa. Tabú leggur höfuðaherslu á fatlað fólk, einkum konur og börn. Allt starf og aðgerðir Tabú mun byggja á hugmyndafræði Samnings Sameinuðu þjóðanna um réttindi fatlaðs fólks, hugmyndafræði baráttuhreyfinga um sjálfstætt líf, félagslegum skilningi á fötlun og femíniskum hugmyndum og aðferðum líkt og mannréttindabaráttu fatlaðs fólks á alþjóðavettvangi hefur gert. Þrátt fyrir þessa áherslu er markmiðið að einblyna almennt á mannréttindi jaðarsettra hópa, ekki síst þeirra sem tilheyra fleiri en einum hópi.

Verkefnastýrur Tabú

Undirritaðar tilheyra báðar undirskipuðum hópum en erum við báðar fatlaðar konur. Embla er svo heppin að vera þar að auki samkynhneigð. Teljum við okkur því hafa mikilvæga innsýn inn í líf fólks sem er á jaðrinum og tilheyrir mörgum hópum. Jafnframt höfum við tekið virkan þátt í mannréttindsabaráttu síðustu ár, Embla verið með sjálfsstyrkingarnámskeið fyrir fatlaðar stelpur á Íslandi og ungt fatlað fólk í Strasbourg, og Freyja unnið mikið og lengi með börnum á leik- og grunnskólaaldri. Báðar eru þær vanar ráðgjafastarfi og hafa flutt fyrilestra á öllum skólastigum og út um víðan völl, hér á landi og erlendis. Embla er nemí í félags- og kynjafræði við Háskóla Íslands og Freyja er þroskaþjálfí að mennt og er að ljúka viðbótardiplómu í hagnýtri jafnréttisfræði við Háskóla Íslands.

Námskeið um mannréttindi, fordóma og staðalímyndir

Höfum við áhuga á að bjóða upp á sumarnámskeið fyrir börn í samstarfi við sveitarfélag, t.d. Hafnarfjörð. Sjáum við fyrir okkur að námskeiðin yrðu annars vegar fyrir börn á aldrinum 6-9 ára og hins vegar 10-12 ára. Um er að ræða vikulöng námskeið frá kl. 9:00-16:00 og að amk. yrði haldin tvö námskeið fyrir hvern hóp en annars eftir eftirspurn og aðsókn. Fjöldi í hverju námskeiði yrði 10-12 börn. Sérstaka áherslu leggjum við á að öll börn séu velkomin og að námskeiðin byggist ekki síður upp á því að um fjölbreyttan hóp barna er að ræða.

Markmið námskeiðs

Markmið námskeiðsins er að efla vitund barna um mannréttindi og þróun þeirra og hvernig allir eru ábyrgir fyrir því að vernda þau. Jafnframt að kynna fyrir þeim leiðir til þess að vera góðar fyrirmyn dir og hafa áhrif á mannréttindabaráttu. Það munum við gera með því að kynna fyrir þeim ólíka jaðarhópa í samstarfi við þá sjálfa, hjálpa þeim að átta sig á eigin „forréttindastöðu” og tileinka sér aukna samkennd og virðingu (án vorkunnar) með öðrum hópum. Einnig viljum við skoða með börnunum hvernig

við notum málið okkar þegar við tölum um minnihlutahópa og ræða staðalímyndir þeirra. Markmið námskeiðsins er einnig að börnin þekki hugtök eins og mismunun, fordóma, staðalímyndir, réttindi o.fl. Höfum við áhuga á að vinna hugsanlega í samstarfi við foreldra með einhverjum hætti svo umræðan geti flætt inn á heimilin og til baka inn á námskeiðin.

Leiðir

Á námskeiðinu á að vera líf, fjör og skemmtilegt. Við viljum blanda ólíkum leiðum saman í framsetningu á fræðslunni og bjóða upp á að læra í gegnum kynningar, leiki, verkefni, vettvangsferðir, heimsóknir og inni- og útiveru. Við viljum gefa börnunum frelsi til þess að skila verkefnum ólikt frá sér og stjórna því hvað þau leggja áherslu á og leitast við að nýta fjölbreytileikan innan hópana og vinna beint með styrkleikana sem felast í margbreytileikanum. Við lýtum ekki svo á að við getum veitt innsýn inn í alla hópa eða þætti námskeiðsins og munum því leitast eftir að fá að koma með börnin í heimsókn til ólíkra aðila eða fá heimsókn til okkar, t.d. frá Unicef, Samtökunum '78 og UN women. Einnig höfum við áhuga á að skoða möguleika á að vinna með fjölmíðlum, með það að markmiði að efla lýðræðisvitund barnanna, hvetja þau til þess að láta í sér heyra og að skapa rými þar sem á þau er hlustað.

Hugsanlegt samstarf við Hafnarfjarðarbæ

Það er kappsmál í okkar huga að öll börn hafi aðgengi að námskeiðunum og viljum við því leggja okkur fram við að kostnaðurinn af námskeiðshaldinu bitni sem minnst á þátttakendum. Við teljum einnig að það geti falist styrkur í því að einblýna á ákveðið svæði og einnig stuðla að því að námskeiðið verði sýnilegt í nærsamfélagi barnanna og hafi meiri áhrif á umhverfi þeirra.

Könnum við því hér með áhuga Hafnarfjarðarbæjar á samstarfi við Tabú um þessi námskeið í formi framlags á aðgengilegu húsnaði á góðum stað, kostnað við auglýsingar, efniskostnað (blöð, litir, skæri, lím, málning, fræðsluefni o.fl.) og kostnað vegna strætó/rútuferða. Jafnframt hugsanlega í formi samstarfs við ungingavinnu, þ.e. ef t.d. þörf er á auka aðstoð. Tabú mun sækja um aðra styrki til þess ná utan um annan rekstrarkostnað, t.d. vegna starfsfólks, og með það að markmiði að námskeiðin séu ekki of kostnaðarmikil fyrir börn og fjölskyldur.

Frekari útlistun á samstarfi mynda fara fram í samráði við sveitarfélagið og með tilliti til umfangs verkefnis. Leggjum við áherslu á að nýta umhverfi sveitarfélagsins, samskipti við fjölmíðla á svæðinu og mögulega vera með viðburð í lok sumars á afrakstri námskeiða í sveitarfélaginu.

Virðingarfyllst

Embla Guðrúnar Ágústs Þórssdóttir
Verkefnastýra Tabú

Freyja Haraldsdóttir
Verkefnastýra og ráðgjafi Tabú